



RisiAlbania

Partner for Growth

*Historia frymëzuese e Erindës
Ndonjëherë aftësia më e madhe profesionale është të
'rikrijomë' veten!*

Erinda Loçi



Një peng 30-vjeçar nga një xhirim televiziv i pa transmetuar në fëmijëri, kur priste me emocion të shikonte veten në ekran ndërsa ai xhirim ishte prerë, solli Erindën me ngulmim "hakmarrës" me fatin e saj të dikurshëm në një program televiziv ku promovoheshin profesione specifike në Hoteleri-Turizëm. "Jam nënë e dy fëmijëve në moshat 6 dhe 7 vjeç. Për të rritur fëmijët braktisa punën si financiere dhe kam qëndruar 5 vjet e papunë. Po shikoja emisionin i cili më terhoqi kaq shumë, sa që thashë do thyej kompleksin e krijuar me ekranin në fëmijëri dhe do të provoj të hyj në garë për një profesion që nuk kisha provuar më parë. Më terhoqi kaq shumë hoteleria sa e gjeta veten në një konkurs ku fitova vendin e dytë".

Erinda u bë konkurrenente pasi e kishte ndjekur emisionin një sezon më parë. E stimuluar nga fitorja e vendit të dytë, e përfshirë kokë e këmbë në profesionet e hotelierisë, nisi menjëherë pas mbylljes së programit një kurs për hoteliere tek Hospitality and Academy Tourism (HAT), ku fitoi çmimin e madh si performanca më e mirë nga Shkolla e Menaxhimit të Biznesit dhe Hotelierisë (BHMS), partner ndërkombëtar i Akademisë HAT.

Një projekt i Agjencisë Zvicerane për
Zhvillim dhe Bashkepunim DSC



Schweizerische Eidgenossenschaft
Confédération suisse
Confederazione Svizzera
Confederaziun svizra

Agjencia Zvicerane për Zhvillim
dhe Bashkepunim DSC

Në partneritet me:



Zbatuar nga:



HELVETAS
ALBANIA

PARTNERËT SHQIPËRI
PËR NDRYSHIM DHE ZHVILLIM

Ku e gjen telefonata jonë muaj pas pjesëmarrjes në emisionin “Më i miri në vend” Erindën? Çmim pas çmimi, fitorja që i shenoi jetën ishte vendi i punës si Menaxhere e Përgjithshme, përfshirë burimet njerëzore, në një nga hotelet më trend në kryeqytet “Botique Hotel”.

Takimi me Erindën ishte plot energji. Kjo vajzë kishte marrë me vete në çdo fjalë dhe shikim emocionin e asaj përvoja televizive që kurrë nuk do ta harronte. Flokët kaçurrela i levizin me ritmin e fytyrës që nuk pushon së shprehuri një gjallëri mbresëlënëse. Ajo rrëfen për fëmijët e saj se dhe pse janë në moshë të vogël, nuk e bëjnë atë të dorëzohet së ndjekuri prioritetet që i vendos vetes. Dhe prioriteti i radhës kush ishte? Perfeksionimi i profesionit si Drejtoreshë e Burimeve Njerëzore.

E veshur me stil serioz, çantë të rëndë, paraqitet si një grua tashmë në karrierë. Veç kur nis e flet të kujton Erindën konkurrente, e cila iu afrua emisionit për të provuar të punonte pas 5 vitesh jo aktive në tregun e punës. Erinda ka pasion të punojë me njerëzit ashtu siç profesioni i Burimeve Njerëzore e kërkon. Më pëlqen të punoj me njerëz, të njoh njerëz të rinj, të dëgjoj, të plotësoj dëshirat e klientëve, t’iu bëj surpriza, të organizoj stafin për dalje pas pune një herë në javë për të patur një frymë pozitive në punë, që së bashku të punojmë me dëshirë dhe motivim.

Qartazi Erinda, ish-konkurrentja e “Më i Miri në Ven”, tashmë e ka vendosur veten në një tjetër dimension. Ajo nënë me fëmijë që shikonte dje emisionin televiziv nga divani i shtëpisë, e shkëputur nga tregu i punës, në pak muaj ka ndryshuar dhe fituar shumë. Ajo sot punon si Menaxhere e Përgjithshme e La Suite Boutique Hotel, i cili ndodhet në zemër të Tiranës. “Ajo që bëj këtu është të mbikëqyr çdo detaj në hotel.

Të bëj të mundur që çdo person të ndihet i motivuar dhe ta bëj punën në mënyrë të përkushtuar. Kam në varësinë time, por mua më pëlqen më shumë të them se, punoj me 7 persona: 3 receptionistë , 1 kuzhinierë, 2 sanitare dhe 1 financiere. Kjo është detyra ime e parë në sektorin e hotelierisë. Çelsi im i suksesit është që kam dëshirë të punoj në skuadër me të njëjtin qëllim, duke ofruar shërbim cilësor ndaj klientit. Erinda është gati të flasë me orë të tëra...

Sikur Erinda të mos kishte marrë guximin të kërkonte të provonte në tregun e punës, sot nuk do të ishte në një biznes që ajo pëlqen, duke drejtuar një ekip prej 7 personash dhe duke u rritur vazhdimisht profesionalisht, krahas përkujdesjes për familjen e saj të bukur.

Ka shumë të rinj që janë shkëputur nga tregu i punës ose nuk kanë arritur ende të integrohen në tregun e punës prej një kohe të gjatë për arsye nga më të ndryshmet. Sipas statistikave të 2019, 28.9% e të rinjve (15-29 vjeç) nuk janë të angazhuar as në punësim, as në edukim dhe as në trajnim. Kjo i bën më vulnerabel në qasjen ndaj tregut të punës.

Por historia e Erindës na tregon se me vendosmëri, duke qënë vigjilent ndaj kërkesave të tregut dhe duke shkëmbyer me këshillues karriere dhe rekrutues, ky rrugëtim mund të jetë me i lehtë.

